

USLOVI ZA OSIGURANJE STAKLA OD LOMA

PREDMET OSIGURANJA

Član 1.

- Po ovim Uslovima, predmet osiguranja mogu biti:
 - sve vrste stakla, svjetleći natpisi i reklame; slike, natpisi i ukrasi izrađeni na osiguranim staklima; ploče mermerne i od vještačkog kamena na stolovima, pultovima, regalima i sl.; porculanski umivaonici, klozetske šolje; ulična ogledala (za regulisanje saobraćaja); kulturni, istorijski i nadgrobni spomenici od kamena, betona i metala. Uz svjetleće natpise i reklame osigurani su i nestakleni dijelovi i ramovi koji čine njihov sastavni dio;
 - Neonske i ostale svjetleće cijevi sa pripadajućim uređajima i bez njih.
- Ne mogu biti predmet osiguranja:
 - predmeti od šupljeg stakla, stakla na svjetiljkama i reflektorima, tijela za osvjetljavanje svih vrsta; lampe (cijevi); rendgenske, kvarcne, radio-televizijske i druge; stakla koja se koriste kao oruđa za rad u procesu proizvodnje; sočiva i staklene kugle; zalihe stakla i staklene robe svake vrste;
 - naprsle i oštećene stvari;
 - stakla u oštećenim okvirima.
- Osigurane su samo stvari označene u ispravi o osiguranju (polisi osiguranja).

OSIGURANE OPASNOSTI (RIZICI) I OBAVEZE OSIGURAVAČA

Član 2.

- Osiguranjem se po ovim Uslovima pruža osiguravajuća zaštita od uništenja ili oštećenja osiguranih stvari zbog ostvarenja bilo koje opasnosti (rizika) kojima su izložene osigurane stvari, osim za štetu prouzrokovanu:
 - prilikom premještanja ili namještanja osiguranih stvari u prostorijama koje nisu označene u ispravi o osiguranju;
 - ogrebotinom, izjedanjem i sličnim oštećenjima na površini osiguranih stvari;
 - klizanjem i slijeganjem tla;
 - kod nadgrobničkih spomenika - prilikom otvaranja i zatvaranja grobnice.
- Ako se to posebno ugovori, osiguravač će biti u obavezi takođe da isplati naknadu i za štetu:
 - na slikama, natpisima i ukrasima, ako je šteta prouzrokovana od istog štetnog događaja, kao i štetu na samoj osiguranoj stvari na kojoj se nalazila slika, natpis ili ukras;
 - na stvarima smještenim u izlogu, oštećenim ili uništenim od direktnog udara osiguranih stvari.
- Ako se ugovori osiguranje neon cijevi sa ostalim pripadajućim uređajima, osiguranje pokriva i štete usljed neposrednog dejstva električne struje (kratkog spoja), požara kablova, obrazovanja svjetlećih lukova i sl., na nestaklenim dijelovima i štete usljed: grešaka u konstrukciji, livenju i materijalu ukoliko za ove štete nije u obavezi isporučilac i posebnih pogonskih nezgoda ukoliko ove nisu neposredna posljedica trajnog uticaja hemijskih (korozija, oksidacija), termičkih ili mehaničkih uzroka, istrošenosti, starosti, lošeg održavanja ili dotrajalosti zbog redovne upotrebe, makar i prijevremene. Štete usljed posebnog dejstva atmosferskog elektriciteta obuhvaćene su osiguranjem samo ako je uređaj pregledan od strane nadležnog organa i primljen kao ispravan.
- Osiguravač je u obavezi takođe da nadoknadi:
 - troškove za eventualno privremeno najnužnije zastakljenje;
 - troškove za skidanje i ponovno namještanje predmeta koji smetaju pri postavljanju nove stvari (npr. zaštitna rešetka, zaštitna šipka, zaklon od sunca i slično);
 - troškove koje osiguranik učini za otklanjanje i smanjenje štete u visini koja se određuje prema članu 6. ovih Uslova.

MJESTO OSIGURANJA

Član 3.

- Stvari koje se osiguravaju po ovim Uslovima smatraju se osiguranim samo dok se nalaze na mjestu označenom u polisi osiguranja.
- U slučaju proširenja ili promjene mjesta osiguranja, potrebno je posebno ugovoriti da osiguranje važi za prošireno odnosno novo mjesto osiguranja.

VRIJEDNOST OSIGURANE STVARI

Član 4.

Vrijednost osigurane stvari je nabavna cijena osigurane stvari (stakla, ploče i sl.) odnosno cijena izrade nove slike na staklu, natpisa, ukrasa ili slova od stakla.

UTVRĐIVANJE NAKNADE IZ OSIGURANJA

Član 5.

- Šteta se obračunava prema visini troškova za namještanje novog stakla odnosno druge stvari iste vrste i kvaliteta umjesto polomljene, odnosno u visini troškova za izradu nove slike, natpisa, ukrasa ili slova od stakla. Eventualno smanjenje vrijednosti oštećene stvari (rabaćenje) ne uzima se u obzir.
- Osiguravač može naknadu iz osiguranja izvršiti u novcu ili na taj način što će namjestiti novo staklo odnosno nabaviti stvar (naknada u naturi). Ako se naknada vrši u naturi, ostaci prelaze u svojinu osiguravača. U svojini osiguravača prelazi i staklo upotrebjeno za privremeno zastakljivanje (član 2., stav (4) tačka 1). Ako se naknada vrši u novcu, osiguranik prema dogovoru može zadržati vrijednost ostatka.
- Šteta obračunata prema prethodnom stavu naknadiće se u punom iznosu, ako suma osiguranja nije manja od vrijednosti osigurane stvari (član 4.).
- Ako je suma osiguranja manja od vrijednosti osigurane stvari u vrijeme nastanka osiguranog slučaja (podosiguranje), naknadiće se samo dio štete koji odgovara srazmjeri između sume osiguranja i vrijednosti osigurane stvari.
- Ako su stvari osigurane na "prvi rizik", naknada će se platiti u visini nastale štete a najviše do ugovorene sume osiguranja na "prvi rizik". Odredbe o podosiguranju neće se primjenjivati kod ovog načina osiguranja.
- U slučaju kada se posebno ugovori učešće osiguranika u šteti (franšiza), iznos naknade iz osiguranja utvrđen prema prethodnim odredbama se umanjuje za iznos franšize.

NAKNADA TROŠKOVA

Član 6.

- Osiguravač naknađuje troškove koje je osiguranik učinio kad je osigurani slučaj nastao za preduzete mjere radi otklanjanja i smanjenja štete, čak i kad te mjere nisu bile uspješne.
- Ukupna naknada na ime troškova iz prethodnog stava i na ime naknade obračunate prema članu 5. ovih Uslova, ne može premašiti sumu osiguranja. Troškovi za otklanjanje i smanjenje štete učinjeni po nalogu osiguravača, kao i troškovi privremenog zastakljenja naknađuju se i kad zajedno sa naknadom iz člana 5. ovih Uslova, premašuju sumu osiguranja.
- U slučaju podosiguranja ili ako se posebno ugovori učešće osiguranika u šteti (franšiza), troškovi za otklanjanje i smanjenje štete naknađuju se u istoj srazmjeri kao i šteta, osim kad su učinjeni po nalogu osiguravača.

OGRAĐENJE OBAVEZE PO OSNOVU DRUGIH OSIGURANJA

Član 7.

Ako je osiguranik zaključio i neko drugo osiguranje, kojim su i stakla osigurana (na primjer: osiguranje od opasnosti požara i nekih drugih opasnosti), u slučaju štete naknada iz osiguranja isplaćuje se po osnovu tog drugog osiguranja. Iz osnova osiguranja stakla izvršiće se naknada samo ako pokriće po tom drugom osiguranju nije bilo dovoljno, i to do iznosa nepokrivenog djela štete.

VAŽNOST OPŠTIH USLOVA ZA OSIGURANJA IMOVINE

Član 8.

Ukoliko nisu u suprotnosti sa ovim Uslovima, na osiguranja zaključena po ovim Uslovima primjenjuju se i Opšti uslovi za osiguranje imovine.

ZAVRŠNE ODREDBE

Član 9.

- Ovi Uslovi za osiguranje stakla od loma stupaju na snagu danom donošenja.
- Prethodni uslovi, a usvojeni na sjednici upravnog odbora održanoj dana 14.09.2007., stavljaju se van snage danom stupanja na snagu ovih uslova.

